

Član 15.

Odgajatelji, profesori, nastavnici i stručni saradnici za stručno zvanje specijalista dobijaju 3 boda, magistri nauka 5 bodova i vrednuju se na osnovu čl. 3. i 5. u stručno zvanje savjetnik, odnosno viši stručni saradnik.

Odgajatelji, profesori, nastavnici i stručni saradnici za naučni stepen doktora nauka dobijaju 5 bodova i vrednuju se na osnovu čl. 3. i 5. u stručno zvanje viši savjetnik, odnosno stručni saradnik savjetnik.

III - PRELAZNE I ZAVRŠNE ODREDBE

Član 16.

Ustanove su dužne da obezbijede postupak ocjenjivanja rada odgajatelja, profesora/nastavnika i stručnih saradnika i onih koji su se zatekli na izbornim funkcijama, a imaju 20 i više godina radnog iskustva, od kojih najmanje 10 godina u obrazovanju, na dan stupanja na snagu ovog Pravilnika **a najkasnije do 30. 11. 2004. godine.**

Član 17.

Odgajatelji, profesori/nastavnici i stručni saradnici koji su nakon stupanja na snagu ovog Pravilnika u smislu člana 16. ocijenjeni ocjenom ističe se, a imaju najmanje 20 godina radnog iskustva, od toga **10 godina** u obrazovanju i položen stručni ispit, mogu steći stručna zvanja mentor, odnosno samostalni stručni saradnik.

Odgajatelji, profesori/nastavnici i stručni saradnici koji su nakon stupanja na snagu ovog Pravilnika u smislu člana 16. ocijenjeni ocjenom ističe se, a imaju najmanje 25 godina radnog iskustva, od toga **15 godina** u obrazovanju i položen stručni ispit, mogu steći stručna zvanja savjetnik, odnosno viši stručni saradnik.

Odgajatelji, profesori/nastavnici i stručni saradnici koji su nakon stupanja na snagu ovog Pravilnika u smislu člana 16. ocijenjeni ocjenom ističe se, a imaju najmanje 30 godina radnog iskustva, od toga **20 godina** u obrazovanju i položen stručni ispit, mogu steći stručna zvanja viši savjetnik, odnosno stručni saradnik savjetnik.

Član 18.

Odgajatelji, profesori/nastavnici i stručni saradnici koji su obavljali ili obavljaju funkcije direktora, pomoćnika direktora i voditelja dijela nastavnog procesa, stiču zvanja kao u članu 17., ako su za svoj rad ocijenjeni ocjenom ističe se.

Član 19.

Ovaj Pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 11-01-38-19480  
10. augusta 2004. godine  
Sarajevo

Ministar  
doc. dr. **Emir Turkušić**, s. r.

Na osnovu člana 43. Zakona o predškolskom odgoju i obrazovanju ("Službene novine Kantona Sarajevo" br. 4/98, 9/00 i 18/00), čl. 78. i 80. Zakona o osnovnom odgoju i obrazovanju ("Službene novine Kantona Sarajevo", broj 10/04) i čl. 121. i 123. Zakona o srednjem obrazovanju ("Službene novine Kantona Sarajevo", broj 10/04), ministar obrazovanja i nauke donosi

**PRAVILNIK**

**O STRUČNOM USAVRŠAVANJU ODGAJATELJA, PROFESORA/NASTAVNIKA I STRUČNIH SARADNIKA U PREDŠKOLSKIM USTANOVAMA, OSNOVNIM, SREDNJIM ŠKOLAMA I DOMOVIMA UČENIKA**

I - STRUČNO USAVRŠAVANJE

Član 1.

Radi praćenja razvoja određene naučne discipline, pedagoške teorije i prakse, produblivanja i stjecanja novih znanja i njihove praktične primjene u radu, odgajatelji, profesori/nastavnici i stručni saradnici su dužni da se stručno usavršavaju.

Član 2.

Oblici stručnog usavršavanja mogu biti individualni i kolektivni.

Nosioci stručnog usavršavanja su predškolske ustanove, osnovne škole, srednje škole i domovi učenika, visokoškolske ustanove i resorno ministarstvo.

Član 3.

Individualno stručno usavršavanje obuhvata:

1. Stalno praćenje stručnih listova i časopisa i druge stručne literature,
2. Obavljanje konsultacija i međusobnu razmjenu mišljenja i iskustava putem stručnih aktiva,
3. Izvođenje oglednih i uglednih časova,
4. Inovacije u nastavnom procesu,
5. Naučno - istraživački rad,
6. Objavljivanje publikacija,
7. Konsultacije s direktorom škole, pomoćnikom direktora i pedagogom.

Član 4.

Kolektivno stručno usavršavanje obuhvata:

1. Prisustvovanje oglednim i uglednim časovima,
2. Učešće u radu stručnih organa ustanove,
3. Učešće na savjetovanjima, seminarima, kursovima, naučnim ekskurzijama, studijskim putovanjima i slično.

Član 5.

Najviši stručni organ ustanove utvrđuje plan i program i prati realizaciju stručnog usavršavanja odgajatelja, profesora/nastavnika i stručnih saradnika.

Prosvjetno-pedagoški zavod samostalno i u saradnji sa visokoškolskim ustanovama radi na individualnom i kolektivnom stručnom usavršavanju putem organizovanja sastanaka stručnih aktiva, seminara, savjetovanja, oglednih i uglednih časova i drugih podesnih oblika rada za odgajatelje, sve profesore/nastavnike ili za profesore/nastavnike određenih predmeta, odnosno struka i stručne saradnike.

Član 6.

Odgajatelj, profesor/nastavnik koji ima položen stručni ispit obavezan je da najmanje jednom u dvije godine održi ogledni, odnosno ugledni čas pred stručnim aktivom.

Stručni saradnik obavezan je da najmanje jednom u dvije godine realizuje temu iz domena svoje struke.

Pedagoška služba vodi evidenciju o aktivnostima iz stava 1. ovog člana i podnosi izvještaj najvišem stručnom organu ustanove.

Član 7.

Odgajatelj, profesor/nastavnik i stručni saradnik je obavezan da redovno prisustvuje stručnom seminaru koje organizuje Prosvjetno-pedagoški zavod.

Odgajatelj, profesor/nastavnik i stručni saradnik je obavezan da prisustvuje odgovarajućem obliku stručnog usavršavanja koji organizuje Prosvjetno-pedagoški zavod ili druga odgovarajuća ustanova, na kojem će se upoznati sa najnovijim dostignućima i naučnim rezultatima u struci.

Prosvjetno-pedagoški zavod izdaje potvrdu o učešću i obliku stručnog usavršavanja. U ustanovi se vodi evidencija o učešću i obliku stručnog usavršavanja.

Član 8.

Najviši stručni organ ustanove utvrđuje program stručnog usavršavanja u koordinaciji sa nosiocem stručnog usavršavanja.

Član 9.

Ustanova je dužna da pruži posebnu pomoć pripravniku koji nema položen stručni ispit i to:

1. Da mu odredi mentora odgovarajuće stručne spreme iz reda svojih uposlenika ili iz druge ustanove i omogući prisustvovanje časovima nastave kod mentora,
2. Da mu omogući stručne konsultacije s mentorom, rukovodiocem i pedagogom ustanove i stručnim saradnicima Prosvjetno-pedagoškog zavoda,
3. Da obezbijedi prisustvo mentora časovima pripravnika,
4. Da obezbijedi uvjete za pripremu i polaganje stručnog ispita.

Nakon završenog pripravnčkog staža, mentor koji je pratio pripravnika podnosi izvještaj najvišem stručnom organu ustanove.

Ustanova je dužna obezbijediti materijalnu nadoknadu mentoru za rad sa pripravnikom.

II - PRELAZNE I ZAVRŠNE ODREDBE

Član 10.

Položen stručni ispit u skladu s Pravilnikom o polaganju stručnog ispita odgajatelja, nastavnika i stručnih saradnika ("Službene novine Kantona Sarajevo", broj 12/00) priznaje se za samostalno obavljanje odgojno-obrazovnog rada u ustanovama.

Član 11.

Plan stažiranja pripravnika i evidencija o realizaciji plana stažiranja pripravnika u osnovnim školama vodi se na obrascu oš 7, a Plan stažiranja pripravnika i evidencija o realizaciji plana stažiranja pripravnika u srednjim školama vodi se na obrascu sš 23, koji su sastavni dio ovog pravilnika. Evidentni list o stručnom usavršavanju, obrazac ELSU, je sastavni dio ovog Pravilnika.

Član 12.

Ovaj pravilnik stupa na snagu danom donošenja a bit će objavljen u "Službenim novinama Kantona Sarajevo".

Broj 11-01-38-19481  
10. augusta 2004. godine  
Sarajevo

Ministar  
doc. dr. Emir Turkušić, s. r.

**Ministarstvo prostornog uređenja i zaštite okoliša**

Na osnovu člana 68. stav 2. i člana 85. stav 1. alineja 2. Zakona o zaštiti okoliša ("Službene novine Federacije BiH", broj 33/03), ministar prostornog uređenja i zaštite okoliša Kantona Sarajevo donosi

**PRAVILNIK**

**O POGONIMA I POSTROJENJIMA KOJI MOGU BITI  
IZGRAĐENI I PUŠTENI U RAD SAMO AKO IMAJU  
OKOLINSKU DOZVOLU**

I - OPĆE ODREDBE

Član 1.

Ovim pravilnikom utvrđuju se: pogoni i postrojenja ili pogoni i postrojenja sa značajnim promjenama u radu, za koje Ministarstvo prostornog uređenja i zaštite okoliša Kantona Sarajevo (u daljem tekstu: Ministarstvo) obavezno provodi postupak izdavanja okolinske dozvole.

Ovim pravilnikom obuhvaćene su i planirane aktivnosti u prostoru koje ne spadaju u pogone i postrojenja, a čije provođenje može dovesti do značajnog uticaja na okoliš.

Član 2.

Ministarstvo izdaje okolinsku dozvolu za pogone i postrojenja za koje nije potrebna procjena uticaja na okoliš, za pogone i postrojenja ispod pragova utvrđenih Pravilnikom o pogonima i postrojenjima za koje je obavezna procjena uticaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu ("Službene novine Federacije BiH", broj 19/04) i za pogone i postrojenja koja nisu utvrđena u navedenom Pravilniku, ali su utvrđeni ovim Pravilnikom.

II - POGONI I POSTROJENJA ZA KOJE MINISTARSTVO  
IZDAJE OKOLINSKU DOZVOLU

Član 3.

Pogoni i postrojenja za koja se obavezno provodi procedura izdavanja okolinske dozvole su:

a) Energetika

1. Pogoni za sagorijevanje snage od 1 do 10 MW,
2. Hidroelektrane sa instalisanom snagom manjom od 1MW,
3. Industrijsko briketiranje uglja i lignita sa kapacitetom od 5.000 do 25.000 t,
4. Postrojenja za iskorištavanje pogonske snage vjetra za proizvodnju energije (vjetrenjače) sa snagom ispod 2 MW,
5. Motori sa unutrašnjim sagorijevanjem sa snagom od 0,5 do 2 MW,
6. Površinska i podzemna skladišta nafte, naftnih derivata i gasa za loženje zapremine od 1.000 do 5.000 t.

b) Hemijska industrija

1. Obrada hemijskih međuproizvoda sa kapacitetom obrade od 2.000 do 10.000 t/god,
2. Proizvodnja hemikalija sa proizvodnim kapacitetom od 1.000 do 5.000 t/god,
3. Skladišta hemijskih proizvoda sa kapacitetom od 2.000 do 10.000 t,
4. Pogoni za proizvodnju preparata za zaštitno farbanje, lakova, mastila i adheziva, kada se organski rastvarači koriste u količinama od 50 do 200 t/god,
5. Pogoni za proizvodnju agensa za pranje i sapuna sa proizvodnim kapacitetom od 3.000 do 15.000 t/god,
6. Proizvodnja boja i lakova, elastomera i peroksida sa proizvodnim kapacitetom od 1.000 do 5000 t/god,
7. Proizvodnja i prerada proizvoda na bazi elastomera sa kapacitetom od 10.000 do 50.000 t/god,